

Կոնֆերանսի աշխատանքներն ամփոփող իր եզրափակիչ ելույթում ազգագրության բաժնի վարիչ Պ. Վարդումյանը նշեց, որ 6 նիստում լսված ավելի քան 30 զեկուցումներում և դրանց քննարկման ընթացքում արծարծվեցին ինչպես հայ ժողովրդական մշակույթի տարբեր գոտիներումներին, այնպես էլ ալլեթնիկ մշակութային փոխանցություններին նվիրված տարաբնույթ ու

բազմաբովանդակ հարցեր: Նա հավաստիացրեց, որ կարգացված զեկուցումներից շատերը կատարյալ ու հասուն գիտական հետազոտություններ են, ուստի և արժանի՝ առանձին հոդվածների տեսքով լույս ընծայվելու: Իրրե կոնֆերանսի բնորոշ առանձնահատկությունն մասնանշվեց անկաշկանգ ու բանիմաց գիտական վեճ վարելու երիտասարդ մասնագետների կարողությունը:

ԶԱՎԵՆ ԽԱՌԱՏՅԱՆ

### ԳԻՏԱԿԱՆ ՆՍՏԱՇՐՋԱՆ՝ ՆՎԻՐՎԱԾ ԱԿԱԴԵՄԻԿՈՍ Լ. Ս. ԽԱՉԻԿՅԱՆԻ ԾՆՆԴՅԱՆ 70 ԱՄՅԱԿԻՆ

Ս/թ ապրիլի 29—30-ին տեղի ունեցավ ՀՍՍՀ Մինիստրների խորհրդին առընթեր Հին ձեռագրերի ինստիտուտի՝ Մաշտոցի անվան Մատենադարանի ՄԱՄԻ գիտական նստաշրջանը՝ նվիրված անվանի հայագետ, ՀՍՍՀ ԳԱ ակադեմիկոս, ՀՍՍՀ պետական և Մաշտոցի անվան մրցանակների դափնեկիր, գիտության վաստակավոր գործիչ Լևոն Ստեփանի խաչիկյանի ծննդյան 70 ամյակին:

Նստաշրջանի բացեց Մատենադարանի տնօրեն, ՀՍՍՀ ԳԱ թղթակից-անդամ Ս. Արեշատյանը: Նա նշեց, որ Լ. խաչիկյանը պատկանում է սովետահայ պատմաբանների և բանասերների առնչությանը, որը մեծ նվիրումով և նպատակալից գիտական գործունեությամբ լայնացրեց հայագիտության ավանդական շրջանակները, նոր սկզբնաղբյուրներով հարստացրեց հայ ժողովրդի բազմադարյան կյանքի պատկերը և մեծապես նպաստեց նրա պատմության համակողմանի և համակարգված լուսարանմանը: Խաչիկյան-գիտնականի վաստակը հայագիտության ասպարեզում այն խոշոր ներդրումն է, նկատեց Ս. Արեշատյանը, որ նա կատարեց որպես պատմաբան-միջնադարագետ և աղբյուրագետ, բացահայտելով հին ձեռագրերում պարփակված մի ամբողջ շարք անհայտ բնագրեր և բազմաթիվ նոր տեղեկություններ՝ հայ ժողովրդի սոցիալ-տնտեսական և հոգևոր-մշակույթի կյանքի վերաբերյալ: Մյուս խոշոր վաստակը նրա գիտական գործունեությունն է՝ կապված Մատենադարանի, որպես հայագիտության եզակի օջախի կազմավորման և հետագա գործունեության հետ: 1954—1982 թթ. լինելով Մատենադարանի տնօրեն, Լ. խաչիկյանն իր շուրջ համախմբեց մի կուտ կույեկտիվ, որն իր աշխատանքով Մատենադարանին արժանի ճանաչում բերեց ինչպես մեր երկրում, այնպես էլ նրա սահմաններից դուրս: Այնուհետև Ս. Արեշատյանն անդրադարձավ Լ. խաչիկյանի գիտական և հասարակական գործունեությանը և ցույց տվեց,

որ նրա կյանքն ու գործն անխզելիորեն կապված են մաշտոցյան Մատենադարանի պատմության հետ: Նրա անունը, վերջում շեշտեց Ս. Արեշատյանը, ընդմիջտ կամա հայագիտության և բախտավորների շարքում:

Այնուհետև «Հայոց կյանքի պատկերը «Առանձն իւր» բանաստեղծության մեջ» զեկուցմամբ հանդես եկավ բանասիրական գիտությունների դոկտոր Ն. Նազարյանը: Նա հայտնեց, որ խնդրո առարկա բանաստեղծության ձեռագիր մի օրինակի վրա ժամանակին իր ուշադրությունը հրավիրել է ակադեմիկոս Լ. խաչիկյանը, որի մտահոգություններից մեկն էր իր աշխատակիցներին և առհասարակ Մատենադարանին առնչվող մասնագետներին օգնելը: Անդրադառնալով «Առանձն իւր» բանաստեղծության հեղինակի ինքնությանը, ստեղծման ժամանակի, արժարժաժ խնդիրների, հայոց գրավոր բանաստեղծության պատմության մեջ ունեցած տեղի հետ կապված հարցերին, Ն. Նազարյանը ցույց տվեց, որ նրա հեղինակն է XVIII դ. կրթական, լուսավորական շարժման նշանավոր գործիչ, աստվածաբան, փիլիսոփա, նարեկագետ Հակոբ Նալյանը (1706—1764) և որ բանաստեղծությունն արտացոլում է ժամանակի հայոց կյանքն իր ցավալի կողմերով: «Առանձն իւր» բանաստեղծությունը, եզրակացրեց զեկուցողը, հասարակությանն ապաքինելու, բարեփոխելու խիղախ քննադատանք է, շարժերված ճշմարիտ մի ուղեցույց և մարդու ինքնահաստատման, կատարելության խորհուրդ ունի:

Լևոն խաչիկյանի «Եղիշեի արարածոց մեկնությունը անտիպ աշխատությունը» զեկուցման մեջ բանասիրական գիտությունների դոկտոր Լ. Տեր-Պետրոսյանը նշեց, որ Լ. խաչիկյանի արթնվում պահում են մի շարք պատրաստի հետազոտություններ, որոնք ժամանակին ինչ-ինչ պատճառներով չեն հրապարակվել: Դրանցից մեկը է նշված աշխատությունը, որը Լ. խաչիկյանն իրեն թեկնածուական գիտությունից պաշտպանել է 1945 թ.: Նրանում հեղինակը բազմազան

ձևագրական աղբյուրների հիման վրա վերականգնել է Նղիշկի կորած ստեղծագործությունը, պարզել նրա աղբյուրների աղբյուրների հարցերը և հայագիտության համար կարևորություն ներկայացնող մի շարք այլ խնդիրներ։ Լ. Խաչիկյանի ուսումնասիրությունն այսօր էլ չի կորցրել իր թարմությունն ու այժմականությունը, ուստի նրա հրատարակման կարևորությունն անժամելի է։

Պատմական գիտությունների թեկնածու Ա. Սաճակյանը «Լ. Խաչիկյանը ժողովրդագիտական աղբյուրների հետազոտող» զեկուցման մեջ երեւանի բերեց Լ. Խաչիկյանի միջնադարագիտական լայն ծրագիրը, որի իրագործման բաղկացուցիչ մասերից մեկն էլ Լեզվի է միջնադարյան ժողովրդական ստեղծագործությունների, հավատալիքների և ազգագրական այլևայլ իրողությունների ճանաչությունը։ Այնուհետև զեկուցողը կոնկրետ օրինակներից ելնելով վեր հանեց ակնավոր հայագետի գիտական հայեցողության մի շարք առանձնահատկություններ, որոնք թույլ են տալիս նրան բնորոշելու իրեն հայագիտության մեջ մի նոր ուղղության՝ միջնադարագիտության հիմնադրի (մեզնիստիկայի ժամանակակից եվրոպական ըմբռնումով)։

Նիկողայոս Միստիկոսի նամակի հասցեատերը զեկուցման մեջ պատմական գիտությունների թեկնածու Մ. Դաբրիելյանը համադիր քննությամբ ցույց տվեց, որ Կոստանդնուպոլսի պատրիարք Նիկողայոս Միստիկոսի 139-րդ նամակն ուղղված է ոչ թե Սմբատ I հայոց թագավորին, այլ նրա որդի Աշոտ II Ծրկաթին։

Բանասիրական գիտությունների թեկնածու Հ. Քյաքչյանը իր «Մատենագիտական տեղեկություններ հայ միջնադարյան կերպարվեստի մասին» թեկնածուական զեկուցման մեջ պատմական գրույցներում և ճառագրական երկերում առկա տվյալների օգնությամբ վերլուծեց հայ միջնադարյան կերպարվեստում հայտնի մի շարք հորինվածքների տեսական բովանդակությունը։ Նա մասնավորապես բացահայտեց հայ մանրանկարչության մեջ ընդունված թեմաների (Իսահակի զոհարարությունը, Մենուգ, Մկրտություն, Պայծառակերպություն, Ավերումն դժոխք) գաղափարական ակունքները։

Նոր տվյալներ Գևորգ Կաղ մատենագրի մասին (XII դ.) զեկուցման մեջ բանասիրական գիտությունների թեկնածու Է. Հաբաթյանը ցույց տվեց, որ Ներսես Շնորհալուց Ս. Սարգսի վարքը խնդրող Հաղարտի վանքի առաջնորդ Գևորգը, նրա հետ նամակագրական կապ ունեցած Հաղարտի վարդապետ Գևորգը, հանելուկագիր Գևորգ Մեծը, Շնորհալու հետ հանելուկային մրցավեճ վարող Կաղ Ալեքը նույն Գևորգ Մեծ գիտնականն է՝ Կաղ մականվամբ։

Բժշկագիտության թեկնածու Դ. Կառապետյանը իր զեկուցման մեջ մատենագիտական նոր փաստերով ցույց տվեց, որ XVI—XVII դդ. Հայաստանում բնագիտական միտքը վերելք է ապրել։ Նա անդրադարձավ նաև այն հետաքրքրությանը, որ հայ բնագիտական մտքի պատմության ուսումնասիրության նկատմամբ դրսևորել է ակադեմիկոս Լ. Խաչիկյանը։

Ամադուի-Նորավանքի նորահայտ տապանաքարերից մեկի վրա վկայված պարոն Սարգսի ինքնության ճշտմանը նվիրված իր զեկուցմամբ բանասիրական գիտությունների դոկտոր Ա. Մաքսիմովսկին պարզեց, որ նա Աղթամարյանների տոհմից է, աթաբեկ Իվանե Զաքարյանի վասալներից Աղթամար Արփայեցու թոռը։ Իր ժամանակի ռազմաքաղաքական կյանքում պարոն Սարգսը զգալի դեր է խաղացել Արդուռն ու Ահմադ խանների միջև մղված զահակալական պայքարում, Տարսայիճ Օրբելյանի հետ միասին հանդես է եկել քրիստոնյաներին հովանավորող Արդուռնի կողմում։

Բանասիրական գիտությունների դոկտոր Փ. Անթաթյանի զեկուցումը նվիրված էր հայերեն ձեռագրի կոդիկոլոգիական ուսումնասիրման խնդիրներին։ Նա նկատեց, որ կոդիկոլոգիական քննությունն ուղղորդելով մեջ են մտնում ձեռագրի նյութական կառուցվածքի բոլոր բաղադրիչները՝ ձեւը, գրչության նյութը, կաղմը, աստառը, գրչությունը, գծագրողները, կետագրությունը, թանաքն ու ներկերը, մանրանկարները, լուսանցագրերը, կնիքները, հիշատակարանները, ինչպես նաև գրիչների, ստացողների, կազմողների և ձեռագրին առնչվող այլ անհատների գործունեության պայմաններն ու հարաբերությունները։ Ըստ այսմ, հարկ է լինում ուսումնասիրել ձեռագրի արարման ողջ գործընթացը։ Սակայն, ինչպես նկատեց զեկուցողը, գիտական, պատմաճանաչողական և գիտամշակութային մեծ նշանակություն ունեցող այդ հարցին մեզանում, դժբախտաբար, պատշաճ ուշադրություն չի դարձվում։

ԵԳՈՒԳ՝ անվան ստուգաբանման նպատակ էր հետապնդում բանասիրական գիտությունների դոկտոր Գ. Արզաթյանը։ Նա գտավ, որ ԵԳՈՒԳ տեղանունը ոչ մի կապ չունի հայերեն եզրույթ (եզանգրահեր) բառի հետ և փոխ է առնված ֆրանկների գործածած «Eguz» բառից։ Այն նշանակում է խաչ և հայ ունիթորների կյանքում փոխարինում է Սուրբ խաչը կամ Սուրբ նշան հասկացություններին։

Բանասիրական գիտությունների թեկնածու Պ. Խաչատրյանը հանդես եկավ «Մի նկատառում Ազաթանգեղոսի Պատմության առաջարանում» զեկուցմամբ։ Մատենագրական նյութի հետաքրքիր մեկնաբանմամբ զեկուցողն իրեն վարկած առաջ քաշեց հետևյալ միտքը. Ազաթանգեղոսի



Պատմության առաջարկում գրողի աշխատանքի համեմատությունը ծովային հեռագնա ճանապարհորդության և վաճառականության հետ որոշ հիմք է տալիս ենթադրելու, որ այդ փոխաբերական պատկերի մեջ իր յուրահատուկ արձագանքըն է գտել հայ հեթանոսական Տիր աստվածության մասին հնագույն պատկերացումը:

Միշին բարդության երկրորդ կարգի խաղաղորումներին նվիրված զեկուցման մեջ արվեստագիտության դոկտոր Ն. Խանմիզյանը նկատեց, որ այդ կարգի խաղաղորումների վերծանությունը թույլ է տալիս բավական լրիվ գաղափար կազմելու այնպիսի դժվարիմաց նշանների մասին, ինչպիսիք են «բաղմեղակն» ու «բարձրահարկը», որով և նախադրյալներ են ստեղծվում անցնելու միշին բարձրության երրորդ կարգի և բարդ հյուսվածքի խաղաղորումների խորացված հետազոտությանը:

Ջուզայի խաչքարերի վրա նկատված մի առեղծվածային պատկերի վերծանման փորձ կատարեց արվեստագիտության թեկնածու Է. Կուրյանյանը: Նրա քննության առարկա պատ-

կերը ներկայացնում է թևավոր մարդու գլուխ ունեցող զույգ առյուծներ, որոնց պոչերի ավարտվում են վիշապների բացված երախներով: Զեկուցողի կարծիքով այդ խորհրդավոր պատկերը գալիս է հնամենի պատկերացումներից և կապված է Մերձավոր արևելքում ու Հայաստանում միջժամանակ լայնորեն տարածված Միհրի պաշտամունքի հետ: Նկարագրվող պատկերը համապատասխանում է Միհրի գլխավոր արքայակին: Այն միաժամանակ հիշեցնում է Հովհաննու հայտնության այն գաղափար, որի Լրեալն ազդարարում է Քրիստոսի երկրորդ գալուստը:

Նստաշրջանի արդյունքներն ամփոփեց Ս. Արևշատյանը: Նա ասաց, որ զեկուցումները բազմազան էին, ինչպես իր՝ հորեկարի հետաքրքրությունները, բայց դրանց մեջ հիմնականը միշնադարադիտությունն էր: Նստաշրջանը, նրկատեց Ս. Արևշատյանը, հարգանքի տուրք էր Լ. Խաչիկյանի հիշատակին և հավաստեց, որ Մատենադարանն այսուհետև ևս կշարունակի իր արժանահիշատակ տնօրենի ավանդույթները:

ԱՐՏԱՔԵՍ ՇԱՀՆԱԶԱՐՅԱՆ.